

中州集



漢書門
類號
一八二
二一八
三二八
四三二
五三六
六四〇
七四四
八四八
冊架

內閣文庫
漢書
類號
一八二
二一八
三二八
四三二
五三六
六四〇
七四四
八四八
冊架

內閣文庫		
番號	漢	11285
冊數	10	(1)
函號	358	77

358-77



元遺山選

金詩中州集

元耶太子馬頭萃
古齋書坊發兌印

萃古齋藏板

元遺山選
金詩中州集

328-11

中州集序

淺草文庫



金初未有詩北渡後詩學日興河東
元好問裕之起而當兵亂之餘國事
漸太故老皆盡裕之身任翰墨以尉為
一代宗工凡四方碑板銘志盡過其
門一時君臣上下遺言往行篇章制

在訖無罅漏今所傳中州集蓋其纂
述之一也集以甲乙次第為十卷卷
各取其人之出處表諸首而以所作
隸其下末又以樂府終之歷二十寒
暑而始成百餘年間新聲雅作洋洋
在耳亦足以鳴金源氏之盛哉金故

用武得國無以異於遠而能自樹立
唐宋之間有非遠所及者以文不以
武也夫文之變為詩詩有補治道切
於士習其間趨嚮之端曲則又存乎
人之所養顧可盡取於詩邪是集所
載若光孝在儲位二十餘年雖未即

大寶而終其事興陵能承意開導四方陰受其賜所謂餘福被元元者嘗於賜宰相壽日詩見之道陵有志文治粲然可觀惜乎婢寵擅朝冢嗣未立疏忌宗室而傳授非人使造化無私之言徒為文具耳趙秉文為禮部

主盟吾道將三十年詩筆縱放不拘一律與楊雲翼代掌文柄楊能直言進諫砥礪大節為時所稱餘如周昂李獻能之孝及雷沕李純甫之豪傑馮延登梁持勝之抗節不屈冀禹錫王萬鍾之遇害不避為宰相為狀元

為異人為隱德雖其所作沈鬱簡淡
奇崛巧縛各為一家大約所養之氣
格得乎完正者居多又以見海裔之
餘風有一變至魯之漸為可尚已予
故病夫宇文虛中吳激蔡松年馬定
國高士談之輩始皆宋之名士其後

或以奉使留或以知名顯史言楚材
晉用特遣其辭責以成一代之文百
若主憂臣辱甘心澶忍以求全活一
隅而謂士君子有是哉裕之疏其人
直書而不諱者殆深意存焉蕭真卿
嘗言國初文士如宇文太學蔡丞相

吳深州之等不可不謂之豪傑之士
然皆宋儒難以本朝文派論故斷自
蔡正甫為正傳之宗党竹谿次之禮
部趙間間公又次之當時公議已如
是然則長篇大章膾炙人口風流蘊
藉激賞國中視宇文吳蔡諸人之作

自足掩其所短况質諸唐宋間之詩
人有足愧乎侍御史沁水李公嘗景
仰是集為鄉前哲所自錄且謂予言
可備折衷回託之刊誤以與四方博
雅君子共論焉時

弘治丙辰閏三月朔華容嚴永濬序

心出而身隨三月既去其不
 報天子與命其朝
 下都休身曰盛之民聚
 以是美也
 入有
 自是

中州集引

商右司平妣

衡

嘗手抄國朝百家詩畧云是魏邢

州元道

道明

所集平妣為附益之者然獨其家有

之而世未之知也歲壬辰予掾東曹馮內翰子駿

延登

劉鄧州光甫

祖謙

約予為此集時京師方受

圍危急存亡之際不暇及也明年留滯睢城杜門
 深居頗以翰墨為事馮劉之言日往來於心亦念
 百餘年以來詩人為多苦心之士積日力之久故



其詩往往可傳兵火散亡計所存者才什一耳不
摠萃之則將遂湮滅而無聞為可惜也乃記憶前
輩及交游諸人之詩隨即錄之會平林之子孟卿
攜其先公手抄本來東平因得合予所錄者為一
編目曰中州集嗣有所得當以甲乙次第之十月
二十有二日河東人元好問裕之引

中州集後序

百年以來詩集行於世者且百家焚蕩之餘其所
存者蓋無幾矣至於一聯一詠雖嘗膾炙人口既
無好事者記錄之故亦隨世磨滅元遺山北渡後
網羅遺逸首以纂集為事歷二十寒暑僅成卷帙
息欲廣為流布而力有所不足第束置高閣而已
已酉秋得真定提學龍山趙侯國寶資藉之始鋟
木以傳予謂非裕之搜訪百至則無以起辭人將

漢古閣
墜之業非趙侯好古博雅則無以慰士子願見之
心因贅數語其後云作詩為難知詩為尤難唐僧
皎然謂鍾嶸非詩家派不應為詩作評其尤難可
知已半山老人作唐百家詩選迄今家置一本曾
端伯選宋詩不可謂無功而學者遂有二三之論
予謂裕之此集今四出矣評者將附之半山乎曾
端伯乎季孟之間乎東坡有言我雖不解書曉書
莫如我是則又不知皎然師果為真識否也明年

四月望日頤齋張德輝耀卿書

卷首

顯宗二首

章宗一首

第一卷

宇文太學虛中五十首

吳學士澂二十五首

張祜書解二十首

後序

隱之紫亦趙幾好古博雅則無以處士乎
 心因替數語其後云作詩論筆知詩為尤難
 既然謂趙非詩家派不應為詩作評其尤難可
 知已半山老人作唐百家詩選迄今家置一本
 編伯選宋詩不可謂然理而學者遂有二三之論
 予謂裕之此集今四出矣評者將附之半山乎
 編伯乎季五之間坐東坡有言我雖不解書曉書
 四日望日願齋斯齋戰戰唯書真誠否也明年

中州集姓氏摠目

卷首

顯宗二首

章宗一首

第一卷

宇文大學虛中五十首

吳學士激二十五首

張祕書斛一十八首

蔡丞相松年五十九首

蔡太常珪四十六首

高內翰士談三十首

馬御史定國三十一首

中州集卷第一姓氏總目終

中州集目錄

卷首

顯宗 二首

賜石右相瑀生日之壽

失題

章宗

雲龍川泰和殿五月牡丹

第一卷

宇文太學虛中 五十首

鄭下趙光道與余有十五年家世之舊守
 官代郡之崞縣聞余以使事羈留平城
 與諸公相從皆一時英彥遂以應舉自
 免去駕短轅下澤車驅一僮二驢扶病
 以來相聚凡旬日而歸昔白樂天與元
 微之偶相遇於夷陵峽口既而作詩叙
 別雖憔悴哀傷感念存沒至歎泣不能

自己而終篇之意蓋亦自開慰况吾輩
 今日可無片言以識一時之事耶因各
 題數句而余為之叙夜將半各有酒所
 語不復鍛鍊要之皆肺腑中流出也

古劍行

白菊

還舍作

庭下養三鴛鴦忽去不反戲為作詩

予寫金剛經與王正道正道與朱少章復

以詩來輒次二公韻

郊居

歲寒堂

重陽旅中偶記二十年前二詩因而有作

春日

已丑重陽在劍門梁

山舖

生日和甫同諸公載

酒袖詩為禮感佩之餘以詩為謝

和題稽古軒

已酉歲書懷

汪王許以酒餉龍溪老人幾月不至以詩

但之

從人借琴

過居庸關

晚宿耀武關

安定道中

上烏林天使三首

姑蘇滕惇禮榜所居闕曰齋心成都宇文

某作詩以廣其意

和高子文秋興二首

又和九日

中秋覓酒

四序迴文十二首

燈碑五首

館中書事

時習齋

醉經齋

醉墨齋

烏夜啼

吳學士激

二十五首

山中見桃花李花

長安懷古

宿湖城簿廳

窮巷

偶成二首

病後寄開甫

過南湖偶成

夜汎渦河龍潭

秋興

晚春言懷寄燕中知

舊

歲暮江南四憶

述懷

喜晴和張魯瞻

國公女生日席上命賦

秋夜

招趙資深拾遺

同兒曹賦蘆花

張戡壯騎

早春

雞林書事

題宗之家初序瀟湘圖

張祕書斛 一十八首

沙邊 東川春日

巫山對月懷湖外親友

武陵春雪 盧臺峭帆亭

高寺 寓中江縣樓

迴文二首 仙門驛聽泉

夜雨南山 平安關道中二首

將渡江 還家

訪香林老 海邊亭為浩然賦

南京遇馬文朝美

蔡丞相松年 五十九首

晚夏驛騎并之涼陘觀獵山間往來十有

五日因書成詩 漫成

淮南道中五首

丁巳九月夢與范季霑同登北潭之臨芳

亭覺而作詩記其事以示范

庚申閏月從師還自潁上對新月獨酌十

三首
七月還初

庚戌九日還自上都飲酒於西崑以野水

竹間清秋巖酒中綠為韻十首

小飲邢崑夫家因次其韻

閒居漫興
師還求歸鎮陽

初卜潭西新居
寄王仲侯

讀疎詠之安陽對竹二詩懷家山次韻見

意
和子文寒食北潭

雪晴呈玉堂諸公
和子文晚望

兵府得告將還鎮陽府推官王仲侯以詩

促予命駕先寄此詩

渡混同江
初至遵化

黃海棠
夜坐

槽聲同彥高賦
韓侯晁仲許送名酒

渴心生塵以詩促之

步尋野卉 癸丑歲秋郊

入關宿昌平 秋日

高麗館中二首 西京道中

銀州道中 高昌館道中

黃海棠 梅花

蔡太常珪 四十六首

野鷹來 撞冰行

讀史 醫巫閭

讀戎昱詩有作二首

感寓 風竹如水聲

荷香如沈水 鄰屋如江村

保德軍中秋 雪擬坡公韻

登陶唐山寺 到廣河

簡王溫父昆仲 秋日和張溫仲韻二

首 和彥及牡丹時方北

趨薊門情見乎辭

戲楊新城

和曹景蕭莫春即事

并門無竹舊矣李文饒嘗一植之至今寺

僧日為平安報其難可知已官舍東堂

之北種碧蘆以寄意因作長句

春陰

初至洛中

雪川道中

飲陳氏第代主人留

客

寄通州王倅

出居庸

葵花

讀史

閻山

十三山下村落

算春

即事

燕山道中三首

太白捉月圖

雪谷早行圖

華亭圖

畫眉曲七首

高內翰士談

三十首

梨花

將赴平陽諸公祖席

分韻作

予所居之南下臨短壑回鑿壁開窗規為

書室坐獲山林之趣榜曰野齋且作詩

高四約諸友同賦 春愁曲

次韻東坡定州立春日詩

集東坡詩贈程大本

曉起戲集東坡句二首

秋興 山下林歌 村行

不眠

秋晚書懷

早起

春日

庚戌元日

次伯堅韻

次韻飲崑夫家醉中作

晚登遼海亭

風雨宿江上

棣棠

雪

苦竹

睡起

楊花

道中

丙寅刑部中二首

二月十一日見桃花

志隱軒

偶題

馬御史定國

三十一首

宿田舍

清平道中

登歷下亭有感

長相思

客懷

招康元質

雨晴離開化寺

秋日書事

讀莊子

雪霽

寒食

楊休烈村居

游何氏園

四月十日遇周永昌

二首

過李湘

雪

懷高圖南

送王松年之汶上

香巖病中

題崇子中庵

郢州城西

送圖南

秋日書事

村居五首

宣政末所作二首

中州集卷第一目錄

給

中州集

中州集卷首

顯宗 二首

賜石右相瑒生日之壽

大定辛酉
丞華殿書

黃閣今姚宋青宮舊綺園繡絳婦里社冠蓋畫都

門善訓懷師席深仁寄壽尊所期河潤溥餘福被

元元

□ □

心與寥寥太古通手隨輕籟入天風山長水濶無

尋處聲在亂雲空碧中

此詩山陽民家有上御書無篇題不知何人作及見唐高駢賦風箏云夜靜絃聲響碧空宮商信任往來風依稀似曲才堪聽又被移將別調中乃知上所書蓋風箏詩而又次駢韻者也姑存之以俟更考

章宗 一首

雲龍川泰和殿五月牡丹

洛陽穀雨紅千葉嶺外朱明玉一枝地力發生雖有異天公造物本無私

育異天公豈殊本無殊
欲期霖雨臨千葉
蕭收米隄王
一對此代繁生艱

中州集卷第一

甲集

河東人元好問裕之集

宇文大學虛中

五十首

虛中字杅通成都人宋黃門侍郎以奉使
見番仕為翰林學士承旨皇統初上京諸
虜俘謀奉叔通為帥奪兵仗南奔事覺繫
詔獄諸貴先被杅通嘲笑積不平必欲殺
之乃鍛鍊所藏圖書為反具叔通歎曰奴

自吾分至於圖籍南來士大夫家例有之
諭如高待制士談圖書尤多於我家豈亦
反邪有司承風旨并寘士談極刑人至今
寬之

鄭下趙光道與余有十五年家世之舊守官
代郡之崞縣聞余以使事躡番平城與諸公
相從皆一時英彥遂以應舉自免去駕短轅
下澤車驅一僮二驢扶病以來相聚凡旬日

而歸昔白樂天與元微之偶相遇於夷陵峽
口既而作詩叙別雖憔悴哀傷感念存沒至
歎泣不能自已而終篇之意蓋亦自開慰况
吾輩今日可無片言以識一時之事邪因各
題數句而余為之叙夜將半各有酒所語不
復鍛鍊要之皆肺腑中流出也
善篆隸詩筆高雅有集
傳河東今不復見矣
光道名晦時為代州士曹

窮愁詩滿篋孤憤氣填胸脫身枳棘下願我雪窖

中竟日朋盍簪論文一樽同翻然南飛燕卻背北
歸鴻人生悲與樂倚伏如張弓莫言竟憤憤作書
怨天公

古劍行

為劉善長作

公家祖皇提三尺素靈中斲開王迹自從武庫衝
屋飛化作文星照東壁夫君安得此龍泉秋水湛
湛浮青天夔魑奔喘禹強護中夜躍出光蜿蜒拄
頤欄具男兒飾彈缺長歌氣填臆嶙峋折檻霽天

威將軍拜伏姦臣泣龍泉爾莫矜雄鋒不見鳥盡
良弓藏會當鑄汝為農器一劍不如書數行

白菊

西風蕭颯百草黃南齋白菊占秋芳主人好事不
專饗擷送客館分幽香幽香清豔兩難得冰雪肌
膚龍麝裊悄然坐我藥珠宮玉斧瑤姬皆舊識仙
家執菊名日精我今號爾為月英月中風露秋夕
好感此仙種來曾城憑君傳與金天令月與霜姿

駐清景重陽好伴白衣來五柳先生憶三迳

還舍作

燕山歸來頭已白自笑客中仍作客此生悲歡不可料况復吾年過半百故人驚我酒尚狂為洗餅壘貯春色酒闌人散月盈庭靜聽清渠流泮泮

庭下養三鴛鴦忽去不反戲為作詩

先生久忘機為爾虞繒繳一朝長羽翮萬里翔寥廓誰信惡溝鴟忽作華表鶴豈無三玉環遺音嗣

黃雀

予寫金剛經與王正道正道與朱少章復以

詩來輒次二公韻

次正道韻

平生幸識繫珠衣窮走他鄉未得歸有客為傳祇樹法此心便息漢陰機百千三昧一門入四十九年諸事非寄與香山老居士要憑二義發餘輝

又 次少章韻

前世曾為粥飯僧此生隨處且騰騰經中因認人

我相教外都忘大小乘寫去欲云居士頌信來如
續祖師燈他年辱贈茅庵句誰謂因緣昔未曾

郊居

芒屨松冠野外裘茶鐺藥竈靜中忙含風荇逐波
紋展著雨花連土氣香停策仰簷朝覓句披襟穿
樹晚追涼蓬蒿似欲荒三迳疎懶誰知意更長

歲寒堂

洞戶延清吹庭除貯綠陰不隨風月媚肯受雪霜

侵潤入珠泉爽聲傳玉帳深主人番勝賞同此歲
寒心

重陽旅中偶記二十年前二詩因而有作

舊日重陽厭旅裘而今身世更悲涼愁添白髮先
春雪淚著黃花助晚霜客館病餘紅日短家山信
斷碧雲長故人不恨村醪薄乘興能來共一觴

春日

北洄春事休嗟晚三月尚寒花信風遙憶東吳此

時節滿江鴨綠弄殘紅

巳丑重陽在劍門梁山舖

兩年重九皆羈旅萬水千山獸遠遊白酒黃花聊
度日青萍綠綺共忘憂却憐風雨梁山路不似尊
鱸楚澤秋何必東臯是三迳此身天地一虛舟

生日和甫同諸公載酒袖詩為禮感佩之餘

以詩為謝

詞人詩句鑿離騷按膝長吟意自豪袖裏虹蜺衝

霽色筆端風雨駕雲濤將衰難稱千年祝增重虛
蒙隻字褒太史已應飛急奏文星偏傍使星高

和題稽古軒

堆架縑緗粲蔀居眼前長物埽無餘避囂宥要鄰
人卜論友先尋上世書汲古不須憂綆短隨波聊
復任舟虛勿欺丈室纔容膝六合神將有日車

巳酉歲書懷

去國恣恣遂隔年公私無益兩茫然當時議論不

能固今日窮愁何足憐生歿已從前世定是非
與後人傳孤臣不為沈湘恨悵望三韓別有天

汪玉許以酒餉龍溪老人幾月不至以詩促

之

龍溪并通別號也

先生寐莫草玄文正要侯巴作富鄰客至但須樽
有酒日高不怕甌生塵急催嶺外傳梅使來餉籬
邊采菊人已埽明窗供點筆為君擬賦洞庭春

從人借琴

嶧陽慣聽鳳雛鳴瀉出冷然萬籟聲已歇笙簧非
雅曲幸從炊爨爨脫餘生昭文不鼓緣何意靖節無
絃且寄情乞與南冠囚繫客為君一奏變春榮

過居庸關

奔峭從天拆懸流赴壑清路回穿石細崖裂與藤
爭花已從南發人今又北行節旄都落盡奔走愧
平生

晚宿耀武關

山與煙雲暝溪兼冰雪流寒枝啼枯鞠煬室聚咿
嘵此日征行困何時喪亂休尚矜爭席好無復舊
鳴騶

安定道中

落日塵埃壯陰風天地昏牛羊爭隘道鳥雀聚空
村跛曳傷行役光華誤主恩未甘遲算景伏櫪意
猶存

上烏林天使三首

平生隨牒浪推移只為生民不為私萬里翠輿猶
遠播一身幽囿敢終辭魯人除館西河外漢使驅
羊北海湄不是故人高議切宜來軍府問鍾儀

又

拭玉轅門吐寸誠敢將緩頰沮天兵雷霆儻宥矜
彫弊草芥何須計死生定鼎未應周命改登壇合
許趙人平知君妙有經邦策存取威懷萬世名

又

當時初結兩朝歡曾見軍前捧血槃本為萬年依
蔭厚那知一日遽盟寒羊牽已作俘囚獻魚漏終
期網罟寬幸有故人知底蘊下臣獲考敢謀安

姑蘇滕惇禮榜所居閣曰齋心成都宇文某

作詩以廣其意

不是憑虛避世喧此中於物本無緣靜看畏影徒
勞爾題作齋心亦且然意識已隨言語斷生涯聊
任歲時遷老夫未涉天游趣三復南華第四篇

和高子文秋興二首

沙碧平猶漲霜紅粉已多駒年驚過隙鳧影倦隨
波散步雙扶老棲身一養和羞看使者節甘荷牧

人藁好問按養和几名事見江湖
散人集扶老見婦去來辭

又

搖落山城算棲遲客館幽葵衰前日雨菊老異鄉
秋自信浮沈數仍懷願望愁蜀江婦棹在浩蕩逐

春鷗

又和九日

老畏年光短愁隨秋色來一持旌節出五見菊花
開強忍玄猿淚聊浮綠蟻杯不堪南向望故國又
叢臺

中秋覓酒

今夜家家月臨筵照綺樓那知孤館客獨抱故鄉
愁感激時難遇謳吟意未休應分千斛酒來洗百
年憂

四序回文十二首

春

短草鋪茸綠殘梅照雪稀暖輕還錦褥寒峭怯羅
衣

又

翠漣冰綻日香徑晚多花細筍抽蒲密長條舞柳
斜

又

折花幽檻小傾酒綠杯深蝶舞輕風曉鶯啼老樹陰

翠密圍窗竹青圓貼水荷睡多嫌晝永醒少得風

和

東

草徑迷深綠蓮池浴膩紅早蟬鳴樹曲鮮鯉躍潭

又

又

暴雨隨雲驟驚雷隱地平好風搖策透輕汗挹冰

清

秋

晚日欣簾捲涼風覺袂搖遠吟高興遣長醉宿愁

銷

又

短葦低殘雨虛舟帶晚潮斷鴻歸暗浦疎葉墮寒

梢

又

感感蒼吟苦茫茫水驛孤日銜山色暮霜帶菊

枯

冬

鶻健呼風急鳥啼促景殘窟深耳兔齧蒲折蔭魚

寒

又

裂瓦寒霜重鋪窗月影清滅燈驚好夢孤枕念深

情

又

秀柏晉陰綠芳梅蘸影斜晉蓉冰結玉衰樹雪飛
花

燈碑五首

清陰靄靄匝城闈萬井熙熙樾杏春紫陌傳呼旌
旂出重臣新佩玉騏驎

又

鈿軸天章拜異恩
驪駉花騎暎朝暎
手持禁鑰千門肅
官鬻東宮二品尊

又

壘原清照白登山
彌隴連天麥浪寒
劍戟漸銷農器出
人家只識勸農官

又

九夏南風入舜琴
息風澤雨決飛沈
陪京最是儀

形地先識君王解
愠心

又

枹鼓無聲訟獄空
權謠擊壤萬家同
時人共解班春意
兵寢刑清第一功

館中書事

雨來蒸鬱似江鄉
雨過西風特地涼
尚有庭花共客恨
可無尊酒慰幽芳

時習齋

未厭平生習氣濃更將餘事訊兒童魯論二萬三
千字悟入從初一句中

醉經齋

傍人但笑腹便便枕籍詩書正晝眠不識先生真
悟處未離文字已逃禪

醉墨齋

旋汲清泉起縠紋定知婁永是前身箇中自可逃
真性不用淋漓汗葛巾

烏夜啼

汝琴莫作婦鳳鳴汝曲莫裁白鶴怨明珠破壁挂
高城上有烏啼人不見堂中蠟炬紅生花門前紺
幘七香車博山夜長香燼冷悠悠蕩子留倡家妾
機尚餘數梭錦織恨傳情還未忍城烏為我盡情
啼知道單棲淚盈枕

吳學士激 二十五首

激字彥高宋宰臣拭之子王履道外孫而

米芾元章壻也工詩能文字画得其婦翁
筆意將命帥府以知名畱之仕為翰林待
制出知深州到官三日而卒有東山集十
卷并樂府行于世東山其自號也出散關
詩云春風蜀棧青山盡曉日秦川綠樹平
愈甫索水墨以詩寄之云煙拂雲梢畱淡
白雲蒸山腹出深青三衢夜泊云山侵平
野高低樹水接晴空上下星太清宮云玉

座煙霞春寂寂石壇星斗夜蒼蒼呈正甫
云手版西山聊復爾角巾東第定何時遊
南溪潭云竹院鳴鍾起物外画橋流水似
江南飛瀑巖云數樹殘花喜春在一聲啼
鳥覺山深詠鄭郎故伎云玉雪自知塵不
浣丹青難寫酒微醺送樂之侍郎云四海
蒼生謝安石一言宣室賈長沙送韓鳳閣
使高麗云海東絕域皇華使天上仙官碧

落卿偶題云江湖欹枕夢風雪打窗時此
 類甚多樂府夜寒茅店不成眠南朝千古
 傷心事誰挽銀河等篇自當為國朝第一
 手而世俗獨取春從天上来謂不用他韻
 風流子取對屬之工豈真識之論哉

山中見梨花李花

錦里春風徧海棠別時無計奈紅芳山中
 梨花李花
 疑晚猶有殘花斷客腸

長安懷古

佳氣猶能想鬱葱雲間雙闕峙蒼龍春風
 十里灞
 陵樹曉月一聲長樂鍾小苑花開紅漠漠
 曲江波
 漲碧溶溶眼前疊嶂青如画借問南山共
 幾峰

宿湖城簿廳

日遲風暖燕飛飛古柳高槐面翠微卷上
 疎簾無
 一事滿池春水照薔薇

窮巷

窮巷無來轍貧家有舊醅窓明憐雪在睡美覺春
回菜甲方齊拆梅花亦半開茅簷鳴好鳥節物莫
相催

偶成二首

一番瘦筍月林槍松架陰陰盡日涼繞屋雲煙無
定態連山草木有真香

又

蟹湯兔盞鬪旗槍風雨中枕簟涼學道窮年何

所得只工埽地與焚香

病後寄開甫

暗蛩咽幽響隙月漏微光溪上風雨過翛然有餘
涼病瘦鶴骨立低垂不能翔懷我中山兄開經焚
道香猿嘯耿清夜鍾鳴悠夕陽商秋早晚至夢寐
松楸蒼

過南湖偶成

杏山松檜紫坡陔湖面無風亦自波綠鬢朱顏嗟

老矣落花啼鳥奈春何詩人未必皆憔悴世事從來有折磨列坐流觴能幾日知誰對酒愛新鶯

夜汎渦河龍潭

輕舟弄素月靜夜橫清渦天風毛髮亂疎星燦明河圖經記父老冥冥年歲多淵沈三千丈湛碧寒無波微流帶文藻絕岬無柔莎炯如帝鴻鏡可鑒不可磨中蟠至神物佞使羣蛟鼉蜿蜿頭角古勁鬣誰敢劇深宮喚珠貝頗費蚌與螺何時葛陂竹

仁作陶公核

秋興

後園雜樹入雲高萬里長風夜怒號憶向錢塘江上寺松窗竹閣瞰秋濤

晚春言懷寄燕中知舊

閒雲洩洩日暉暉林斧谿春響翠微天氣乍晴花滿樹人家久住燕雙飛鄰村社後客借酒客舍新來未綻衣遙憶東郊亭畔柳歸時相見亦依依

歲暮江南四憶

瘦梅如玉人一笑江南春照水影如許怕寒粧未
勻花中有仙骨物外見天真驛使無消息憶君清
淚頻

又

天南家萬里江上橘千頭夢遶閫門迴霜飛震澤
秋秋深宜映屋香遠解隨舟懷袖何時獻庭闈底
處愁

又

吳淞潮水平月上小舟橫旋斫四腮鱸未輸千里
羨擣麝香不獸照箸雪無聲幾見秋風起空悲白
髮生

又

平生把蠖手遮日負垂竿浩渺渚田熟青熒漁火
寒憶看霜菊艷不放酒杯乾比老垂涎處糟臍筒
箇團

述懷

旅食空彈鋏，歸休合挂冠。
煙塵榆塞遠，風雨麥秋寒。
巢燕長如客，鳴蛙不屬官。
柴門江漲到，落日下漁竿。

喜晴和張魯瞻

原野忻新沐，豐隆寧世情。
鳥歸林靄暝，樓射澗虹明。
春草牛羊遠，人家機杼鳴。
慘舒長有命，誰復問陰晴。

國公女生日席上命賦

雪射瑤堦月，春回玉女扉。
雲中三秀草，石上六銖衣。
酒熟鶯兒色，身輕燕子飛。
客槎還汎斗，誰解卜樵機。

秋夜

豈有涓埃補盛明，強扶衰病廁豪英。
夜窗燈火青相對，曉鏡鬢鬚白幾莖。
去年來還似夢江南，江北若為情。
石田茅舍君家近，借與林泉送此生。

招趙資深拾遺

別久貌逾壯道同心更親移居近韋杜相對邈參
辰雪少似饒客鳥喧知得春歸期淹幾日莫厭馬
蹄頻

同兒曹賦蘆花

天接蒼蒼渚江涵裊裊花秋聲風似雨夜色月如
沙澤國幾千里漁村三兩家翻思杏園路鞭裊帽
簷斜

張戡北騎

張生鞍馬客幽都却笑靈光筆法麤祇今白首風
沙裏憶向江南見畫圖

早春

寂寂重寂寂出門春草齊晚芳猶著樹江漲欲平
溪山暝有時雨村深何處雞遠山緣底恨故作傍
人低

雞林書事

箕子朝鮮僻蓬丘弱水寬儒風通百粵舊史記三
 韓邑聚居巢慣夷裘被髮安猶存古邗豆兼用漢
 衣冠兔穎家工縛鮭腥俗嗜餐騎兵腰玉具府衛
 挾金丸長袖鳶窺肉都場狃掛竿琴中蔡氏弄指
 下祝家彈王禮分庭抗賓筵百拜難漬橙粳釀旨
 滋桂鹿脩乾澂墨松如櫛墮墻石似丹地偏先日
 出天迫衆山攢鵬翼雲帆遠羊腸石磴盤由來異
 文軌休訝變暄寒事可資談柄誰能記筆端聊將

詩邈取婦作画圖看

題宗之家初序瀟湘圖

江南春水碧於酒客子往來船是家忽見画图疑
 是夢而今鞍馬老風沙

張祕書斛一十八首

斛字德容漁陽人仕宋為武陵守國初理
 索北婦官祕書省著作郎有南游北婦等
 詩行于世漁陽有峒陽故詩中多及之如

賦小孤山云天圍秋漲濶山背夕陽孤岸
 樹晴猶溼汀煙近却無巫山對月云雲開
 千里月風動一天星河池出郭云細草沙
 邊樹疎烟嶺外村中江縣樓云綠漲他山
 雨青浮近市煙中秋云月色四時好人心
 此夜偏松門峽云春木有秀色野雲無俗
 姿賦禮部侍郎張浩然遼海亭云晴光搖
 碧海遠色帶滄洲又賦臨漪亭云雨聲喧

算島水色借秋空秋興樓云碣石晚風催
 鴈急昭初寒漲與雲平人多誦之予嘗見
 其文筆字畫皆有前輩風調字文大學甚
 激賞之

沙邊

晚雨漲平堤沙邊獨杖藜長風催鴈北衆水避潮
 西楚客相逢少吳天入望低故園無路到春草自
 萋萋

東川春日

巴蜀三年客江湖萬里情
滄波何處盡歸棹幾時
行世態浮雲變春愁細
草生羣山遮望眼片月上
高城

巫山對月懷湖外親友

衆壑歛新雨孤舟增暮寒
巫山今夜月湘水幾人
看不得臨湖醉惟愁下峽
難雙魚憑寄遠尺素勸
加餐

武陵春雪

天風吹雪滿千山不見
桃花汎碧瀾洞裏仙人貪
種玉豈知人世有春寒

盧臺峭帆亭

高秋客未還何處望鄉關
喬木蒼烟外孤亭落照
間雨晴山覺近潮滿水如
閒目斲峒陽路歸雲不
可攀

高寺

高寺鳴鐘後孤舟落鴈邊已知歸徑晚故就上方
眠石峻潘聲急月高松影圓明朝下燿靄迴首阻
清川

寓中江縣樓

武江斜轉石文岫獨參天

江曰玄武山曰文達

綠漲他山雨

青浮近市烟松薪炊白粲水蔓繫紅鮮自喜飄蓬
跡安居過兩年

迴文二首

野鷺悲行客湍驚礙去船夜江清汎月秋草碧連

天

又

綠迤斜縈草紅
花曲池風碎月歌岬雨摧

沙

仙門驛聽泉

一亭圍古木雙磴瀉清流行到雲山暮卧聞風雨
秋客病渴此時瘳歸去南溪上輕舟細

詩集

卷之五

汲古閣

後序

夜雨南山

一夜宿山齋夜深雨聲息石室含餘清風枝墮殘

澗

平安關道中二首

高林俯青冥柯葉森若織陽光

寒嶂嶺亂石間行子有苦色臨深地勢入涉險元

宗塞四頃無所投迹爾去未息悵然增百憂冥冥

羨歸翼

又

窮冬十日陰積雪千山路晴雲開半嶺落日猶在

樹悠悠客心速慘慘天色真寒鳥各有依解鞍尚

無處游魚誤銜鈎玄豹終隱霧行行謝冠冕復我

林壑趣

將渡江

無數飛花委路塵不堪重醉楚城春明朝回首江

卷之一

汲古閣

南岬煙雨昏昏不見人

還家

雲林無俗姿相對可終老如何塵中人不見青山

好

訪香林老

風雨無時浪蹴天南浮舟楫信多艱半生夢破寒江月萬里春回故國山歸客自傷青鬢改高僧長共白雲閒誅茅借我溪西地未厭相從水石間

海邊亭為浩然賦

夙有滄洲趣雲扃夢幾回臨深疑地盡望遠覺天開月湧冰輪出濤翻雪陣來無機同海客鷗鳥莫相猜

南京遇馬丈朝美

浮雲久與故山違茅棟如存尚可依行路相逢初似夢舊游重到復疑非滄江萬里悲南渡白髮幾人能北歸二十年前河上月尊前還共惜清輝

蔡丞相松年

五十九首

松年字伯堅父靖宋季守燕山仕國朝為翰林學士伯堅行臺尚書省令史出身官至尚書右丞相鎮陽別業有蕭閒堂自號蕭閒老人薨謚文簡百年以來樂府推伯堅與吳彥高號吳蔡體有集行於世其一自序云王夷甫神情高秀宅心物外為天下稱首言少無宦情使其雅詠玄虛不經

世務超然遂終其身則亦何必減嵇阮輩而當衰世頹俗力不可為之時不能遠引高蹈顛危之禍卒與晉俱為千古名士之恨又嘗讀山陰詩引考其論古今感槩事物之變既言脩短隨化期于共盡而世殊事異興懷一致則死生終始物理之常正當乘化歸盡何足深歎乃區區列叙一時述作刊紀歲月豈逸少之清真簡裁亦未

盡忘情於此耶故因作歌併及之好問按
此歌以離騷痛飲為首句公樂府中最得
意者讀之則其平生自處為可見矣二子
珪字正甫璋字特甫俱第進士號稱文章
家正甫遂為國朝文宗特甫非其比也自
大學至正甫皆有書名其筆法如出一手
前輩之貴家學蓋如此

晚夏驛騎并之涼陞觀獵山間往來十有五

日因書成詩

兜羅葱鬱浮空青曉日馬頭雙眼明名山不作世
俗態千里傾蓋來相迎老松閱世幾千尺玉骨冷
風戰天碧應笑年年空往來塵土勞生種陳迹山
回晚宿一川花翦金裁碧明烟沙寒鄉絕艷自開
落欲慰寂寞無流霞明日行營獵山麓古樹寒泉
更深綠強臨水玉照鬢毛只恐山靈恠吾俗陂潮
不盡水如天清波白鷗自在眠平時朝市手遮日

思把一竿呼釣舡驛騎回時山更好過雨秋容淨
如埽山英知我宦游心爲出清光慰枯槁可憐歲
月易侵尋慙愧山川知我心一行作吏豈得已歸
意久在西山岑他年俗累麓能畢雲水一區供老
佚舉杯西北酌山川爲道此言吾不食

漫成

人生各有適一受不可更違已欲徇世憂患常相
嬰三軍護漢將九鼎調蒼生功名豈不美強之輒

無成朝昏忘寢食俯仰勞心形何如從所好足以
安餘齡予也一丘壑野性真難名力懦謝提劍才
拙慙窮經疎放已成僻紛華誰與爭鷺鹿便草豐
白鷗願江清不堪行作吏萬累方營營夜慮多俗
夢曉枕無餘醒拄頰西山語適意千里羹塵土走
歲月秋光浮宦情欲語箇中趣知音耿晨星世途
古今險方寸風濤驚封侯有骨相使鬼須銅腥誓
收此身去田園事春畊

淮南道中五首

南楚二月雨淮天如漏卮
良途泥三尺車馬真難
棲却息閒居樂雨具無所施
高枕聽簷聲爐烟暈
如絲

又

吾年過五十所過知前非
顏鬢日蒼蒼老境行相
追檠棹聽俯仰隨人欲何為
歸計勿悠悠出處吾
自知

又

南渡國不競晉民益瘡痍
陶翁遂超然不忍啜其
醜北窗談清風慨望義皇時
道喪可奈何抱琴酒
一卮

又

三年鎮陽遊春婦綠扶疎
櫻筍媚園林日長閒枕
書行復當此時涼塵暗婦塗
會洗醑醺雪月波浮
祕壺

又

鎮陽亘西南山河在圖畫花雨草煙間人家或僧舍經行每悵然真賞知未暇待予籃輿歸香火復

蓮社

丁巳九月夢與范季霑同登北潭之臨芳亭

覺而作詩記其事以示范

高陵五六松潭水涵清陰白鳥如避世巢居得幽深雜花眩青紅苦節方森森何人作虛亭想像雲

棲心我夢涉陳迹君亦同登臨相與定嘉名洗去
花草淫看雲撫脩碧夕景低遙岑風林淡秋月霜
枝鳴玉琴兩意誰識之好處煩幽尋閒居志則同
歲月能駸駸時無陶彭澤此曲難知音亭前有奇
石遷流失山林願亦如我曹鬢髮風沙侵小兒重
外物列屋享千金區區心甚長曰循困華簪忽焉
事大謬危機恐難任平生下澤車斯言吾所欽志
士願不辱俗情便孔壬自喜迹猶淺鳧鴈容浮沉

泥行自蕭散世路皆崎嶇此邦真可老城郭環清
得結廬與君俱開寫平生襟里巷日還往杖履行
謳吟還尋夢遊處無忘神所箴

庚申閏月從師還自潁上對新月獨酌十三

首

伊昔三年前淫雨催行輶青燈忽今夕華屋暎高
秋華屋亦何為百年竟山丘適意在歸與肉食非
我謀

又

大塊本何事遑遑勞一生所過種陳迹歲月如流
星貪夫甘死禍幅紙馳虛名晉室有先覺柴桑老

淵明

又

我家恒山陽山光碧無賴月窟陰風篔十里瀉澎
湃茲焉有樂地不去欲誰待自要塵網中低眉受
機械



又

人言歸甚易但苦食不足必使極其求萬鍾不盈
腹處世附所安無禍即無福却視高蓋車身寵神
已辱

又

我本山澤人孤烟一輕蓑功名無骨相彫琢傷天
和未能遽免俗尚爾同其波梧桐喚歸夢無奈秋
聲何

又

孟夏幽州道上陞車輾轉旌旗却南行飛電隨馬
足行窮清潁水不辨洗蒸溽吾生豈匏瓜一笑為
捧腹

又

燈花何太喜似報天雨霽客情念還家如瞽不忘
視到家問松菊早作解官計青鏡髮蕭蕭及此霜
雪未

又

鳴蛙屬官私庸兒固可笑江山本誰爭但苦歸不早物情閒始見宛轉為君好區區乞鑑湖多事憐賀老

又

天下任之重人物古難得誰為經濟才有亦未易識吾曹與雞鶩官倉等伏食行將問征途滿眼西

山碧

又

懦微莫如我往往從險艱譬之驅山麋八鑿困天閑豈惟物違性成功亦良難風煙念何地野水長

松閒

又

出處士大節倚伏殊茫茫絕交苟不作自足存嵇康哲人乃知機曲士迷其方願我類社櫟匠石端相忘

又

問舍前年秋已買潭西地高明鬼所瞰聊取風雨
蔽瀕溪樹嘉木成陰十年計仍當作茅舍名之以
今是

又

斯言已說說要未離憂患何時但飲酒減否了不
關不飲逝者多秋草麒麟閒懷哉竹林人吾方仰
高山

七月還初

洪河注天南兵氣橫高穹我從兵前來歸心疾驚
鴻官柳未搖落蓮苻香濛濛吏舍在前村舊年養
疎慵爰自三軍去青苔瘞人蹤夕陽叩柴門歡迎
來僕僮濁酒古壘洗停觴問新松却對一床書睡
鴨孤烟中土花暈湖玉冰絃冷霜桐燈火未可親
露坐茅堂東西山月中淡夜茶煮松風到床便安
寢不復知晨鍾平生幽棲心斯言畧形容人道動

有患百態交相攻而我觸類真冶容鄙青紅非才
見臨事叩之輒空空知難不知回飄流劇飛蓬暫
去聲利場樂佚猶無窮况於得行意蕭洒畢此躬
勿為才者傳從渠作夔龍

庚戌九月還自上都飲酒於西崑以野水竹

間清秋巖酒中綠為韻十首

雞羣媚稻梁老鶴日疎野人言隨其流故有不同
者

又

骨相乃封侯銅腥能使鬼文章亦可憐不直一杯

水

又

在昔安九鼎功名照帛竹貞觀用玄成一士天下

足

又

憂國在肉食飲玉莪清班吾曹漫浪人合眼松雲

間

又

閒居度重九昔賢愛嘉名霜菊有正色糟床逢聖

清

又

平生一丘壑晚墮法家流一點無俗物今年真好

秋

又

謝公既經世永懷東西巖翠袖亂清光輕雲點風
鬟

又

我得秋風暇鱸魚一杯酒佳人發浩歌此樂當不

朽

又

去年哦新詩小山黃菊中年年說秋思遠目驚高

鴻

又

躡我生處樂陵谷異風俗南枝吾永安笑撫西崑
綠

小飲邢崑夫家因次其韻

東風初度野梅黃醉我東山雲霧窗只今相逢算
春月夜床風雨翻寒江人生離合幾春事霜雪行
侵青鬢雙大梁一官且歸去酒腸雲夢吞千缸

閒居湯興

歸田不早計歲月易云徂但要追蓮社何須賜鏡
湖簿書欺俗吏繩墨守愚儒安得如嵇阮相從興
不孤

師還求歸鎮陽

春風卷甲有歡聲漸識天公欲諱兵節物無情新
歲換男兒易老壯心驚落身世網癩仍絕挂眼山
光計未成聞道恒陽似江國一官湯學阮東平

初卜潭西新居

喬木千章画不如白鷗煙雨到江湖誰為求仲營
三徑竊比揚雄有一區故國興亡樹如此他年聲
利蔓難圖屋西便與秋山約莫遣歸來見白須

寄王仲侯

冰簾風簾千柱宮月華清浸雪芙蓉誰教曉馬三
千里好在行雲第幾峰酒市烏紗懷李白仙人鶴
鬢看王恭拍浮花裏知思否寄與新詩洗醉棕

事可發一笑

讀疎詠之安陽對竹二詩懷家山次韻見意

短髮新霜及未侵幾年和月買泉林偶然行李對
寒碧憶得故園驚歲陰枕上秋嵐吹醉夢門前沙
鳥立清深箇中須著脩脩玉落日微風伴我吟

和子文寒食北潭

夢裏潭光翠欲流何時春水一虛舟吾廬想見扶
疎樹宦意渾如浩蕩鷗聞道西山明酒面應無外
物到眉頭別來誰唱驚人句十里珠簾有莫愁

雪晴呈玉堂諸公

雪晴松頂玉爛斑
曉眼清於化鶴山
欲立凍雲搜傑句
却思仙客退清班
瓊帳底沉香火
蒼蘆花中碧霧鬟
喚取廣寒脩月手
月波千丈捲春還

和子文晚望

醉眼郊原感慨生
夕陽長向古今明
高人法至互憎愛
美酒空名誰重輕
二頃只謀他日老
五絃猶喜晚風清
回君欲賦思歸樂
安得穿雲一笛橫

兵府得告將還鎮陽府推官王仲侯以書促

予命駕先寄此詩

老驥心疲十二閑
天教洗眼小江山
名園無處不宜酒
勝日有朋方解顏
老木溪光留月駐
禪房竹徑約花關
先憑樂府求風骨
或有佳人字玉環

渡混同江

十年八喚清江渡
江水江花笑我勞
老境歸心質孤月
倦游陳迹付驚濤
兩都絡繹波神肅
六合清

明斗極高湖海小臣尸厚祿夢尋烟雨一漁舸

初至遵化

出山風物便清和森木如雲秀靄多白水臨流照
疎鬢青門折柳記柔柯重游化國驚歲月有象豐
年占麥禾亦有黃公酒壚在微官自要阻山河

黃海棠

清陰不歎晚尋芳縹緲雲翠袖長萼綠江花輸
帶葉醉紅蜀艷恨無香南州氣味連三月東晉風

流共一觴老眼寒來易愁絕溫柔乞與醉中鄉

夜坐

吾生有幾事無涯清夜湯湯歎物華但願聞鈺似
疲馬可能粘壁作枯蝸只今雪屋重衾溼去歲梅
溪醉帽斜終得蕭閒對床語青燈挑盡短檠花

槽聲同彥高賦

糟床過竹春泉句

聚簷秋雨喧踈潘過竹春泉咽
暗冰門巷蕭條三尺雪琴書窠

落一龕燈
彥高詩也

他日人云吾亦云自愛淳音含太古誰

傳清潘入南薰秋風幾共橙香注曉月曾和鶴唳
聞我欲婆娑竹林國洗空塵耳正須君

韓侯晁仲許送名酒渴心生塵以詩促之

好在銀餅秋露光借君雲夢到枯腸解澆萬里客
愁破暫吐十年黃卷香江水苦搖梁苑夢海棠新
學漢宮粧天東四月春如許坐待白衣投醉鄉

步尋野卉

風煙草木照人明神藥竒花問識名聞道東州有

仙窟欲尋根撥學長生

癸丑歲秋郊

漫漫黃雲水清淺碧花無處亂鳴蜚此生愈覺田
園樂夢裏曉山三四峯

入關宿昌平

黃塵却送入關山自斷何如二頃田記得鳴蜚碧
花句蹉跎秋思又三年

秋日

風螢開闔度松陰松下飄然倦客心
幾點清光照涼夜何時遠寺得幽尋

高麗館中二首

蛤蜊風味解朝醒松頂雲痕雨不晴
悄悄重簾斷人語碧壺春筍更同傾

又

晚風高樹一襟清人與縹菴相照明
謝女微吟有深鼓海山星月搃關情

西京道中

來時綠水稻如鍼歸日青梢沒鶴深
莫忘共山買田約藕花相間柳陰陰

銀州道中

小渡霜螯賤於土重崑野菊大如錢
此時最憶涪翁語無酒令人意缺然

高昌館道中

雨餘崑石古苔青松裏珠璣萬葉明
渺渺綠畦看

鷺立深深清越有蟬鳴

黃海棠

輕如紅豆排冰雪一拂新鶯色更奇不覺濃陰破
明玉有情誰解賞離披

梅花

的皜橫枝愛老崔一尊長對画图開此生端有梅
花分閒遠春風入手來

蔡太常珪

四十六首

珪字正甫大丞相松年之子七歲賦菊詩
語意驚人日授數千言天德三年進士擢
第後不赴選調求未見書讀之其辨博為
天下第一歷澄州軍事判官三河簿正隆
三年銅禁行官得三代以來鼎鍾彝器無
慮千數禮部官以正甫博物且識古文奇
字辟為編類官丁父憂起復翰林脩撰同
知制誥改戶部員外郎太常丞朝廷稽古

禮文之事取其議論為多大定十四年由
 禮部郎中出守濰州道卒有續歐陽文忠
 公集錄金石遺文六十卷古器類編三十
 卷補南北史志書六十卷水經補亡四十
 篇晉陽志十二卷金石遺文跋尾一十卷
 燕王墓碑一卷傳于世國初文士如宇文
 大學蔡丞相吳深州之等不可不謂之豪
 傑之士然皆宋儒難以國朝文派論之故

斷自正甫為正傳之宗党竹谿次之禮部
 閒閒公又次之自蕭戶部真卿倡此論天
 下迄今無異議云

野鷹來

南山有奇鷹寘穴千仞山網羅雖欲施藤石不可
 攀鷹朝飛聳肩下視平蕪低健狐躍兔藏何遲鷹
 算來腹肉一飽精神開招呼不上劉表臺錦衣少
 年莫畱意飢飽不能隨爾輩

撞冰行

船頭傳鐵橫長錐十五五張黃旗百夫袖手畧
無用舟過理棹徐徐歸吳儂笑向吾曹說昔歲江
行苦風雪揚槌啓路夜撞冰手皮半逐冰皮裂今
年窮臘波溶溶安流東下閒篙工江東賈客借餘
潤貞元使者如春風

讀史

夏氏不無釁作孽生妖龍蒼姬丁衰期玄龜游後

宮天心未悔禍墜此文武功糜狐漏天網括婦鴟
梟同狂童一何愚巧言惟爾從殷鑒不云遠覆車
還蹈蹤坐令周南詩悲入黍離風君看後庭曲曾
笑驪山烽

醫巫閭

幽州北鎮高且雄倚天萬仞蟠天東祖龍力驅不
肯去至今鞭血餘殷紅崩崖暗谷森雲樹蕭寺門
橫入山路誰道營丘筆有神只得峯巒兩三處我

方萬里來天涯坡陀繚繞昏風沙直教眼界增明
秀好在嵐光日夕佳封龍山邊生處樂此山之間
亦不惡他年南北兩生涯不妨世有揚州鶴

讀戎昱詩有作二首

我家北潭邊溪流卧衡門俗客自不来好客時開
尊路人或不知云是渭南村底事半年別此懷誰
與論

又

來時西郊林木未秋未老借箸數歸日迺復見冬
杪心馳倚門望望我綿綿道慙愧戎子詩在家貧
亦好

感寓

九官名世人制作婦一夔達樂不達禮漢儒言足
唾古人寓意耳結髦持鍛鎚俗子未易識絕藝聊
相推坐令編簡門亦以專門竒堂堂張長史楷妙
世莫知謂予言不信願視郎官碑

奇疑
作期



風竹如水聲

好竹風淅淅流水聲泠泠吾廬兼有此要是佳友
生北窗午夢斷冷簟無飛蠅端疑故人至喚作寒
泉鳴攬衣起裴徊自笑還自驚無須問形似自可
名雙清

荷香如沉水

新荷翠參差十畝藏漪瀾臨風倚雲蓋過雨驚珠
盤夕陽香四來坐我西闌干三徑未論菊九畹空

羞蘭聊分海南瓊炷之古博山誰能品優劣待以
季孟間

鄰屋如江村

斜川一壺玉川東三四家籬落半流水茁茁青蒲
芽我為水邊游月魄舒晴華隔籬見燈火兒語時
紛拏想像澤南州寄興棲雲霞從渠非知音我意
亦自嘉

保德軍中秋

定羌城下河南流定羌城上三層樓使君置酒勞
 行役今夕何夕當中秋孤烟落日明天末洶涌碧
 雲俄暮合惺惺騎馬雨中歸造物戲人無乃虐統
 如成鼓方三更夢回一室還虛明出門驚笑遽如
 許浮雲四卷秋天清誰家高會寒珠箔笑語聲從
 雲外落倦客明朝又短亭行人何似居人樂

雪擬坡公韻

門外黃昏噪晚鴉瑤塵細逐九雲車豐年待作三

登兆算景重開六出花濁酒無人同此興扁舟有
 客訪誰家明朝試望東林樹百尺寒梢倚玉叉

登陶唐山寺

嶺外高槐驛路長嶺頭蕭寺俯朝陽定知絕頂有
 佳處聊與瘦藤尋上方千里好風隨野色一軒空
 翠聚山光道人底是怜行役不惜禪床坐午涼

到廣河

清漳節物似清江不復尊鱸夢故鄉歷下果能留



太白鏡湖端是屬知章身隨客路常岑寂心與沙鷗共渺茫尚困馬蹄三百里小舟聊欲過滄浪

簡王温父昆仲

荷鈿小小半溪香槐幄陰陰一畝涼飛絮亂將春色晚行雲閒屬算山長求田已喜成三徑適意真堪寄一觴君是山陰換鵞手可無傑句傲風光

秋日和张温仲韻二首

琴裏忘憂盡日彈百憂俱息夜初闌青燈把卷逢

真味綠酒傾尊破薄寒月色半留梧影上露華應到菊花團在家須信貧猶好夢想人間行路難

又

照水疎林萬木蒼迎軒爽氣一襟涼有時獨聽溪舂坐無事方驚晝景長雲薄西山聊隱見烟橫白鳥去微茫可憐騎省多秋思拘士安能識大方

和彦及牡丹時方北趨薊門情見乎辭

舊年京國賞春濃千朵曾開共一叢好事祇今歸

北圃知音誰與醉東風臨觴笑我官程遠賦物輸
君句法工却笑燕城花更晚直應趁得馬家紅

戲楊新城

長短亭中竟日忙解鞍初喜水雲鄉風前列席花
細秀雨後行厨杏粥香春色紛紛驚過眼歌聲故
故促傳觴蓬萊殿下同年客定笑狂夫老更狂

和曹景蕭算春即事

戶部尚書望之

瓮頭春色開重耐門外春風改袂衣灼灼向來花

又笑翩翩幾處燕子飛山陰未辨羲之集沂上聊
從點也歸節物驚心遽如許却因觀化識天機

并門無竹舊矣李文饒嘗一植之至今寺僧

日為平安報其難可知已官舍東堂之北種

碧蘆以寄意回作長句

青君那肯顧寒鄉試著葭蘆擬汶篁有若何堪比
夫子虎賁猶想見中郎色添新雨簾櫳好聲入微
風枕簟涼他日東堂慙政拙只將此物當甘棠

春陰

城上春陰暗晚空城頭山色有無中似聞啼鳥來
幽樹已有游絲曳好風流水小橋歸未得落霞孤
鶯興無窮林花不解東君意邀勒遊人未破紅

初至洛中

水北醱醑半欲芳長條十丈更餘長春風得得憐
羈客借與窗櫺六日香

雷川道中

扇底無殘暑西風日夕佳雲山巖客路煙樹記人
家小渡一聲榜斷霞千點鴉詩成鞍馬上不覺在
天涯

飲陳氏第代主人留客

風定息林葉雨晴開夕陽停歌方待月插羽且傳
觴文舉客常滿次公醒亦狂更闌君莫去但席就
新涼

寄通州王倅

長夏少人事官閒簾戶深枕涼秋入夢林密翠交
陰適欲非吾事謀閒遂此心絕交吾豈敢覓句識
知音

出居庸

亂石妨車轂深沙困馬蹄天分斗南北人間日東
西側脚柴荆短平頭土舍低山花兩三樹笑殺武
陵溪

葵花


北墉開處葉森森政以多花負賞音小智區區能
衛足孤忠耿耿祗傾心

讀史

伯陽名迹世人知太史成書未免譏不是道家齊
物我豈容同傳著韓非

閻山

西風絕境撫孤松千里川原四望通但恠林梢看
鳥背不知身到碧雲中



十三山下村落

閭山盡處十三山溪曲人家畫幅間何日秋風半
篙水小舟容我一葉閒

莫春

陌上歌聲枕上聽秋千梧影兩亭亭春風三月正
花好曉日一竿初酒醒

即事

竟日開編樂有餘古人妙處不欺予甯中更著五

千卷未到漢家城且書

燕山道中三首

款段乘涼未五更徐河十里霧中行前邨烟樹望
不見欲到忽聞雞犬聲

又

獨輪車重汗如漿蒲秸芒鞋亦販商我自行人更
怜汝却應達者笑予狂

又

燕南趙北困風埃投宿雲居眼暫開明日都門選
官路逢人羞道見山來

太白捉月圖

寒江覓得釣魚舡月影江心月在天世上不能容
此老画图常看水中仙

雪谷早行圖

冰風刮面雪埋屋客子晨征有底忙我欲題詩還
自笑東華待漏滿靴霜

華亭圖

頭無片瓦足無土不犯清波過一生釣得金鱗便
歸去依然明月大江橫

画眉曲七首

樓外春山幾點螺樓頭望處染雙蛾不知深淺隨
宜否却倩菱花問眼波

又

小閣新裁寄遠書書成欲遣更踟躕黛痕試與雙

雙印封入雲箋認得無

又

織葉斜橫蜀柳條拂成風思自妖嬈元和才子才
猶拙只對春風詠舞腰

又

画手新翻十樣圖西巡故事出成都憑君列置華
堂上與問丹青解語無

又

龍尾雲根玉作紋紋間有月半痕新若為喚取文
姬輩分付雲窗筆下春

又

未識春愁識曉醒嬌啼恰恰似雛鶯日高阿母嗔
粧晚但画鴉兒轉不成

又

時世華粧巧鬪春張卿態度獨清新五陵年少多
才思數點章臺走馬人

高内翰士談 三十首

士談字子文一字季默宋韓武昭王瓊之
 後宣和末任忻州戶曹仕國朝為翰林直
 學士皇統初預宇文大學之禍有蒙城集
 行于世如云寒花貪晚日瘦竹強秋霜又
 題禹廟云可憐風雨胼胝苦後世山河屬
 外人時人悲之子公振字特夫亦有詩名

梨花

中原節物正梨花配寒食黃昏一雨過滿地嗟狼
 籍塞垣春已深花事猶寂寂朝來三月半初見一
 枝白爛熳雪有香瓏鬆玉仍刻芳心點深紫嫩葉
 裁輕碧懶慢不出門雙併貯春色殷勤遮老眼避
 逅慰愁夕一尊對花飲况有風流客酒闌思故鄉
 相顧空歎息

將赴平陽諸公祖席分韻作

灞橋波似箭南浦草如裙此夜燈前淚他年日暮

雲醉和醒一半悲與笑相分莫作陽關疊愁多不
忍聞

予所居之南下臨短壑因鑿壁開窗規為書
室坐獲山林之趣榜曰野齋且作詩約諸友

同賦

我本麋鹿姿強服冠與簪束縛二十年夢寐遊山
林竭來古晉國官舍南城陰鑿壁取棘豁開窗舒
滯淫山光射几席野色供登臨怡顏眇庭柯明目

增遙岑草木遍榮落雲烟自浮沈玩彼物色變感
此歲月侵兀坐獨無人窺簷轉幽禽誰知城市中
聞若郊居深巷陋顏子樂地偏陶令心一室亦何
有狼藉書與琴晴暉朝徙倚皎月夜相尋欲賦畔
牢愁先為梁父吟詩成輒自和酒熟時孤斟結茅
會有期種竹當及今日來官更忙塵埃滿衣襟莫
歸唯憊卧筋力殊不任常思返丘壑豈願紆朱金
遙知北山處猿鶴餘清音

春愁曲

壓花曉露萬珠冷金井
 呶啞轉織綆寶堦寂寂苔
 紋深東風搖碎湘簾影
 芙蓉帳暖春眠重窗外啼
 鶯喚新夢推枕起來嬌翠顰
 一線沈烟困金鳳游
 絲飛絮俱悠颺慵倚繡床
 春晝長郎馬不嘶芳草
 暗半篩急雨飛橫塘

次韻東坡定州立春日詩

柳色看猶未梅花折已堪
 流年空客恨舊事與誰

談落日窺愁絕東風半醉
 耐雲深歸曉鴈水暖浴
 春蠶從事終無愧空餐色
 有慙家山方杳杳官府
 謾覃覃隱几心猶靜焚香
 鼻觀參語新恰鵲喜聲
 鄙惡鷓貪旅迹何時定歸
 心不厭南佳辰近燒燭
 盛事憶傳柑學業虛千峯
 生涯寄一庵誰能弔雙
 影無月不成三

集東坡詩贈程大本

十圍偏腹貯天真謀道從來不計身
 公業有田常

之食陶潛無酒亦從人異同更莫疑三語飢飽終
同寓一塵待我南游載君去扁舟歸釣五湖春

曉起戲集東坡句二首

簾紋如水帳如烟一榻清風直萬錢困卧北窓呼
不起老夫風味也堪怜

又

清風終日自開簾吏散空庭雀噪簷午醉醒來無
一事地偏心遠似陶潛

秋興

鼓角邊城暮關河古塞秋淵明方止酒王粲亦登
樓搖蕩傷殘歲樓遲憶故丘乾坤尚傾仄吾敢歎
淹留

村行

墟落依林莽茅廬出短墻兒童避車馬父老饋壺
漿半溼田新雨猶青棗未霜逢人問豐歉一一歎
聲長

不眠

不眠披短褐曳杖出門行月近中秋白風從半夜
清亂離驚昨夢漂泊念平生淚眼依南斗難忘去
國情

秋晚書懷

蕭蕭霜秋晚荒荒塞日斜老松經歲葉寒菊過時
花天濶愁孤鳥江流憫斷槎有巢相喚急獨立羨
歸鴉

早起

曉起先烏鵲愁多竟不眠風霜嚴塞草星月淡秋
天落葉親攜帚垂瓶自汲泉禁門朝萬馬魂斷憶
當年

春日

遲日回輕暖東風掃積陰客愁眉上見春意柳邊
尋健犢躬耕計歸鴻去國心醉鄉如可隱會放酒
杯深

庚戌元日

舊日屠蘇飲最先而今追想尚依然
故人對酒且千里春色驚心又一年
習俗天涯同爆竹風光塞外只寒烟
殘年無復功名望志在蘇君二頃田

次伯堅韻

公道向來惟白髮浮生何處用黃金
東風吹散三年恨春色驚回萬里心
急景只教人貌改滄溟不放酒杯深
異時儻及公榮酌準擬歸來卧柳陰

次韻飲嵒夫家醉中作

月中招得飲中仙草露吹風洒淨便
地有溪山真可樂人如冰雪自無眠
清新李白詩能勝勃窣張憑理最玄
功業本非吾輩事此身聊復鬪尊前

晚登遼海亭

登臨酒面洒清風竟日憑欄興未窮
殘雪樓臺山向背夕陽城郭水西東
客情到處身如寄別恨他時夢可通
自歎不如華表鶴故鄉常在白雲中

風雨宿江上

風雨蕭蕭作暮寒半晴煙靄有無間
殘紅一抹沈天日涇翠千重隔岸山
短髮不羞黃葉亂寸心常羨白鷗閒
濤聲午夜喧孤枕夢入瀟湘落木灣

棣棠

閒庭隨分占年芳裊裊青枝淡淡香
流落孤臣那忍看十分深似御袍黃

雪

蕪蕪天花落未休寒梅疎竹共風流
江山一色三千里酒力消時正倚樓

苦竹

密葉脩莖雨後新肯回憔悴損天真
清如南國紉蘭客瘦似西山採蕨人

睡起

平生心性樂疎慵多病追歡興亦空
睡起不知春已老一簾紅雨杏花風

楊花

來時官柳萬絲黃去日飛毬滿路傍我比楊花更

飄蕩楊花只是一春忙

此詩亦嘗載楮林集中然子文集是其子特夫手錄

恐無悞收者故從之

道中

鳴鳩逐婦婦欲去燕子引雛雛不來樹底樹頭千

點雨山南山北一聲雷

丙寅刑部中二首

世事邯鄲枕婦心渭上舟釁來無朕兆意外得俘

囚忠信天堪仗清明澤自流藜羹猶火食永愧絕

糧丘

又

幽囚四十日坐穩穴藜床縲繼元非罪艱難已備

嘗全家音頓阻孤枕夢難忘會有相逢日牽衣話

更長

二月十一日見桃花

鳴鳩天色半陰晴竹屋松窗老寸心閉戶不知春
早晚桃花紅淺柳青深

志隱軒

家居潇洒似江村花草侵階水映門元亮結廬山
挂眼孔融好客酒盈尊肯教軒冕移心志未厭林
泉入夢寬我亦平生倦游客一廛無處問東屯

偶題

兼他田父老於農遠是莊西與舍東不似宦游情

味惡半生常在別離中

馬御史定國 三十一首

定國字子卿在平人唐中令周裔孫少日
志趣不凡宣政末題詩酒家僻有蘇黃不
作文章伯童蔡翻為社稷臣之句用是得
罪亦用是得名阜昌初遊歷下亭以詩撼
齊王豫豫召與語大悅授監察御史仕至
翰林學士石鼓自唐以來無定論子卿以



字畫考之云是宇文周時所造作聃餘萬
 言出入傳記引據甚明學者以比蔡正甫
 燕王墓聃初學詩未有入處夢其父與方
 寸白筆從是文章大進自號齋堂先生有
 集傳于世

宿田舍

狂風作帚掃春陰投宿田廬話古今尊俎只如平
 日事干戈方識故人心淒涼一樹梅花發迤邐千

門柳色深天子蒙塵終不返酒酣相對淚沾襟

清平道中

棘林苦苣野花黃一馬駸駸渡溧陽別墅酒旗依
 古柳點溪花片落新香伏波事業空歸漢都護田
 園不記唐今日清明過寒食又將書劍客他鄉

登歷下亭有感

男子當為四海遊又攜書劍客東州煙橫北渚芰
 荷晚木落南山鴻鴈秋富國桑麻連魯甸用兵形

勢接營丘傷哉不見桓公業千古遼城空水流

長相思

歷歷春陽被群木白沙淺水明如鵠結廬聊可障
雨風學道未能克耳目故人居紫翠傍枳籬日
落青山長歲云晏矣不可見望盡楚天飛鳥行

客懷

結髮游荆楚勞心惜寸陰草長春運窄花落曉煙
深穀旱惟祈雨年饑不問金三齊雖淡薄留此亦

何心

招康元質

此生依著定如何不傍耕疇即釣蓑
阜平蕪隨鳥遠東湖新漲與天多
詩成重墨題飛葉睡起輕芒踏軟莎
猶有客愁銷不盡風軒茶竈待君過

雨晴離開化寺

澗谷流秋水樓臺入算寒連城遭雨積一日得泥
乾利劍青鱗室名駒白鐵鞍回頭棲隱地風樹響

珊瑚

秋日書事

南山悠悠去天尺雀寒未晚爭投棘野人籬落不
 勝荒溪欲絕流堆亂石小園蔬藥知有無未免杖
 藜煩兩屐霧蒙甘菊細莖紫風動牽牛晚花碧鄰
 舍翁歸竹几空秋天日落松窗寂小杯翻酒足自
 娛閭巷浮沈真可惜

讀莊子

吾讀漆園書秋水一篇足安用十萬言磊落載其
 腹北風熟粗梨冷日照鴻鵠人生固多事端坐至

秉燭

雪霽

高巖旭日吐深蘋雪霽樓臺白玉京獨往南塘探
 春色琵琶花下竹雞鳴

寒食

燕泥半落烏衣巷柳色全添綠綺窗且伴丁香過

寒食弄晴蝴蝶一雙雙

楊休烈村居

籬落牽牛放晚花西風吹葉滿人家
閉門久雨青苔滑時見鴛鴦下白沙

游何氏園

八尺龍蛇薜荔牆瘦松疎竹更蒼涼
梅花暎水無人見隔岸飛來片片香

四月十日遇周永昌二首

竹裏涓涓雨未晴日高窗牖受虛明
數家燕雀青籬出是處園林綠顆成
貧覺酒盃真有味病息丘壑豈無情
東山舊隱許相過他日秋原看耦耕

又

幼時種木已巢禽猶向花前作酒顛
郭外青山招曉出園中明月照春眠
世無蘇黃六七子天斷文章三十年
今日逢君如舊識醉持杯杓望青天

過李湘

數樹高槐散乳鴉時於缺處見黃花涼風不斷如
流水相對胡床坐日斜

雪

紅樓翠瓦不禁寒欲剪梅花去路難淨掃竹亭聊
飲酒恰如明月照金盤

懷高圖南

劉又一狂士尚得韓愈知君才百劉又知者果其
誰三隨計吏貢躡屣游京師文章善變化不以一

律持碧海涵萬類青天行四時去年高唐別河柳
搖風枝今年清明飲高花見辛夷茲來又幾日軍
檄忽四馳尺書無處寄相見果何期白日鬪龍蛇
黃塵笳鼓悲春風獨無憂吹花發江湄一杯送歸
雁萬里寄相思

送王松年之汶上

去去東平道飛轅不可攀地隣邾子國天近穆陵
關問俗徵前事移家卜好山溪堂醉花月春興幾

時還

香嚴病中

九州四海盡行路萬戶千門非我家金彈不徒驚
燕雀春雷終待起龍蛇

題崇子中庵

羨君高節似陶潛五畝園林老不添
避世人情雖淡薄開門秋色自清嚴
案頭黃卷香終日砌下蒼苔雨一
落後夜中秋更應好隔窗雲木看飛
蟾

郢州城西

秋江白水浪花麓墟落人歸鳥自呼
新月高城三百雉角聲吹徹小單于

送圖南

壺觴送客柳亭東回首三齊落照中
老去獸陪新客醉興來多與古人同
戍樓藤角垂新綠山店檉花落細紅
他日詩名滿江海薺堂相見兩衰翁

秋日書事

井邊惹故吐秋珠
舍下瓜區雜芋區
世道未夷聊小隱
不須辛苦著潛夫

村居五首

溪頭梅是去年花
閒日初長迳竹斜
向晚孤烟三十里
不知樵唱落誰家

又

蠶蛹成蛾桑柘稀
海棠花發照牕扉
離騷讀罷無人會
獨立溪南看夕暉

又

五月南風化曉蛙
野塘晚箭未成蒲
檉花落盡紅英細
沙渚鴛鴦半引雛

又

柿葉經霜菊在溪
天寒落日見雞棲
西家有客筍新酒
紅葉蕭蕭蓋芋畦

又


歲暮行人竟不來
空吟溪樹見寒梅
何時消盡關

山雪收拾春風入酒杯

宣政末所作二首

蘇黃不作文章伯童蔡翻為社稷臣三十年来無

定論到頭姦黨是何人



桃取次開紅紅白白上樓臺移將海底珊

樹兒與人家也不栽

卷第一終

[Blank page with faint bleed-through from the reverse side]

